

Bosna i Hercegovina



Босна и Херцеговина

Sud Bosne i Hercegovine  
Kabinet predsjednika Suda

Суд Босне и Херцеговине  
Кабинет председника Суда

Broj: Su-10-295/12  
Sarajevo, 15.08.2012. godine



Bosna i Hercegovina  
Parlamentarna skupština Bosne i Hercegovine  
ZASTUPNIČKI/PREDSTAVNIČKI DOM  
n/r predsjedavajućeg, dr Milorad Živković

Ul. Trg BiH 1  
71000 SARAJEVO

Veza: *Vaš akt broj 01/a-50-1-15-32/12*

Poštovani,

U vezi s vašim aktom, broj gornji od 24.07.2012. godine, kojim ste nam prosljedili poslaničko pitanje Dušanke Majkić, postavljeno Sudu Bosne i Hercegovine na 32. sjednici Predstavničkog doma Parlamentarne skupštine Bosne i Hercegovine vezano za Fadhila Al Hamdani, kojem je presudom Suda Bosne i Hercegovine broj S1 3 U 005454 11 U od 05.04.2011. godine određena blaža mjera nadzora u skladu s odredbom 102. Zakona o kretanju i boravku stranaca i azilu, obavještavam Vas o slijedećem:

Sudske odluke se donose u skladu sa zakonom i u skladu sa stanjem u spisu, te ni sudije niti predsjednici sudova u Bosni i Hercegovini nisu ovlašteni da komentarišu sa strankama ili bilo kojim drugim zainteresovanim licima ili institucijama sudsku praksu u pojedinim odlukama, a što je u skladu s načelom nezavisnosti sudova i sudija i načelom ravnopravnosti stranaka.

Prema načelu nezavisnosti sudstva i sudskih odluka, sudija je slobodan u zastupanju svog shvatanja, utvrđivanju činjenica i primjeni prava u svemu o čemu odlučuje i nije dužan da objašnjava svoja pravna shvatanja i utvrđeno činjenično stanje, izuzev u obrazloženju odluke ili kad to zakon posebno nalaže. Stoga sudije kao i predsjednik Suda smatraju da niko, dakle ni stranke, a ni bilo koje druge organizacije, institucije ili agencije, nisu ovlašteni da od sudija koje su donijele odluku, u konkretnom slučaju od sudija vijeća za upravne sporove ovog suda, zahtijevaju tumačenje, objašnjenje ili komentarisanje presuda, niti su sudije, koje su učestvovala u donošenju odluka, ovlaštene, a ni po zakonu nadležne da ocjenjuju osnovanost primjedbi i prigovora stranaka koje nisu zadovoljne presudama vijeća.

Nadalje, Sud je navedenom presudom izrekao blažu mjeru nadzora propisanu Zakonom o kretanju i boravku stranca i azilu, pa je u skladu s navedenim Zakonom u nadležnosti Službe za poslove sa strancima da prati i nadgleda kretanje i boravak stranaca. Ujedno, članom 7. istog Zakona propisano je da sigurnosnu provjeru za stranca provodi Obavještajno-sigurnosna agencija Bosne i Hercegovine. Sud, donošenjem navedene odluke, niukom slučaju nije onemogućio nadležnu Službu, odnosno Obavještajno-sigurnosnu agenciju BiH, da za vrijeme trajanja izrečene blaže mjere nadzora provode radnje nadzora i provjere stranca u skladu sa svojim nadležnostima.

S poštovanjem,

The seal is circular with a blue border. The outer ring contains the text 'BOŠNA I HERCEGOVINA' at the top and 'SUD BOSNE I HERCEGOVINE' at the bottom. The inner ring contains 'S A N A J E' at the top and 'BOŠNA I HERCEGOVINA' at the bottom. In the center, there is a stylized map of Bosnia and Herzegovina. Overlaid on the seal is the text 'PREDSJEDNIK SUDA' and 'Medždžida Kreso' in bold black font. A blue ink signature is written over the seal and the text.

**PREDSJEDNIK SUDA**  
**Medždžida Kreso**

---

Kraljice Jelene 88, 71000 Sarajevo

*Telefon:*  
++ 387 33 707 301

*Fax:*  
++ 387 33 707 320

*web:*  
[www.sudbih.gov.ba](http://www.sudbih.gov.ba)

*e-mail*  
[pios@sudbih.gov.ba](mailto:pios@sudbih.gov.ba)